

西荊州刺史與王僧辯討河東王譽於長沙平之又助徐文盛東討侯景至貝磯大敗景將任約斬其儀同叱羅子通湘州刺史趙威方等仍進軍大舉漢口別攻武昌景度蘆洲上流以歷文盛幼安與衆軍大敗之會景陷郢州文盛遁歸軍敗幼安降景景殺之龔岑之子也少驍勇善用兵與諸父歸元帝爲郢州刺史與王僧辯東討河東王譽又隨僧辯下繼徐文盛軍至巴陵聞侯景西上乃與僧辯等守巴陵景圍之數旬不尅而遁遷定州刺史及衆軍至姑孰景將侯子鑿逆戰龔擊敗之子鑿逃至石頭景親會戰龔與衆軍大破之又與王僧辯降陸納平武陵王及魏平江陵齊納貞陽侯明以紹梁嗣以龔爲震州刺史吳興

西府志卷二十九

十一

太守遷散騎常侍鎮南大將軍龔僧辯婿也陳文帝銜之切齒及僧辯敗龔據吳興以拒之頻敗陳文帝軍部將杜泰私通於文帝說龔降龔然之其妻王氏曰霸先仇隙如此何可求和因出私財賞募復大敗文帝軍後杜泰降文帝文帝遣人負龔出項王寺前斬之王氏因截髮出家杜氏一門覆矣

韋榮梁書字長倩杜陵人好學仗氣太清二年爲散騎常侍榮聞侯景作逆簡閱部下得精卒五千馬百疋倍道赴援榮就內侍劉孝儀謀之孝儀曰當有別勅豈可妄相驚動時孝儀置酒韋怒以杯抵地曰賊已渡江便逼宮闕水陸俱斷何暇有報假令無勅豈得自安韋榮今日何情飲

酒卽馳馬出以輕舸就路至南洲司州刺史柳仲禮亦帥步騎萬餘人至橫江榮卽送糧仗贍給并散私金帛賞其戰士建議推仲禮爲大都督進軍次新亭是夜仲禮入榮營部分衆軍令榮頓青塘榮帥所部水陸俱進時值昏霧軍人失道比及青塘夜已過半壘柵至曉未合景率銳卒來攻遂敗賊乘勝入營榮叱子弟力戰兵死略盡遂見害子尼及三弟助警構從弟昂皆戰死賊傳榮首以示城內太宗聞之流涕曰社稷所寄惟在韋公如何不幸先死行陣詔贈護軍將軍世祖平侯景追諡曰忠貞並贈助警構及尼皆中書郎昂員外散騎常侍榮長子臧字君理歷官東宮領直侯景至帥兵屯西華門城陷奔江州收舊部曲

西府志卷二十九

十一

據豫章爲部下所害

韋愛梁書韋叡傳字孝友叡族弟沉靜有器局少而偏孤事母以孝聞篤志好學每虛室獨坐遊心墳素而埃塵滿席寂若無人尤善周易及春秋左氏袁顛爲雍州刺史辟爲主簿遭母憂廬於墓側負土起墳高祖臨雍州聞之親往臨弔服闋引爲中兵參軍義師之起也以愛爲壯武將軍時京邑未定雍州空虛魏興守顏僧都等據郡反愛沉敏有謀素爲州里信服乃推心撫御曉示順逆兼率募鄉里得千餘人與僧都等戰大破之百姓乃安蕭穎胄之死也和帝徵兵襄陽愛從始興王憺赴焉先時巴東太守蕭瑣巴西太守魯休烈舉兵來逼荊州愛以書諭之瑣卽日

請降高祖受禪進號輔國將軍尋除寧蜀太守西上襲劉季連行至公安道病卒贈衛尉卿子乾向官至鍾離汝陰二郡太守

韋正梁書韋叡傳字敬直放弟杜陵人起家南康王行參軍稍遷至中書侍郎出為襄陽太守初正與北海王僧孺友善及僧孺為吏部尚書郎參掌大選賓友故人莫不傾意正獨澹然及僧孺擯廢之後正復篤素分有踰襲日論者稱焉歷官至給事中黃門侍郎

吉盼梁書字彥霄蓮勺人幼有孝性年十一遭母憂水漿不入口父原鄉令天監初為奸吏所誣逮詣廷尉其父恥為吏訊虛自引咎罪當大辟盼乃搥登聞鼓乞代父命廷

西梁府志卷二十九

三

尉蔡法度曰爾孺童志不及此必為人所教若有悔異亦相聽許盼曰囚雖蒙弱豈不知死可畏憚顧不忍見父極刑所以內斷胸臆委骨泉壤此非細故奈何受人教耶法度更誘之曰主上知尊侯無罪行當釋亮今若轉詞幸父子同濟盼對曰囚父必正刑書故思殞仆冀延父命瞑目引領以聽大戮盼初見囚獄掾備加桎梏法度矜之命脫其二械盼弗聽曰盼代父死死罪之囚惟宜增益豈可減乎法度具以奏聞高祖乃宥其父丹陽尹王志舉充純孝盼曰父辱子死斯道固然若盼當此舉則是因父買名拒之而止年十七應辟為本州主簿出監萬年縣攝官期月風化大行後鄉人裴儉連名薦盼以為孝行純至明通易

老勅付太常旌舉盼初因父成悖疾後發而卒

陳

韋載陳書字德基杜陵人沉敏有器局起家梁郢陵王法曹參軍侯景之亂王僧辯東討元帝以載為假節都督太原高唐新蔡諸軍事率三郡兵自焦湖出柵口與僧辯會於梁山景平除冠軍將軍尋授義興太守高祖誅王僧辯遣周文育輕兵襲載載嬰城自守高祖遣載族弟翽賞書喻載以誅僧辯意并奉梁敬帝勅載解兵載以眾降高祖以其族弟翽監義興郡引載恒置左右與之謀議徐嗣徽任約等引齊軍濟江據石頭城高祖問計於載載曰齊若分兵先據三吳路時事去矣今急於侯景舊壘築城以

西梁府志卷二十九

三

通東道轉輸命輕兵絕其糧道則齊將之首旬日可致高祖從其計永定元年除和戎將軍通直散騎常侍二年進太子右衛率天嘉元年以疾去官卒於家翽字子羽少有志操以仁孝著稱高祖為南徐州刺史召為征北參軍尋監義興郡遷驍騎將軍領朱衣直閣尋出為宣城太守天嘉二年預平王琳之功封清源縣侯太建中卒官子宏字德禮有文學歷官至永嘉府諮議參軍

嚴觀按賈志載始平子趙知禮新豐子蔡景攷陳無陝省境土皆僑治他所不具錄

北魏

拓拔黎魏書太祖紀天賜四年二月封皇子黎為京兆王

本傳神鹿元年薨子根襲

于謹周書河南洛陽人初封石城伯後從太祖征潼關破

迴樂城進爵藍田縣公邑一千戶

寇讚魏書字奉國上谷人徙萬年父修之東萊太守讚少

清潔姿容嚴凝非禮不動除襄邑令姚泓滅秦雍人千餘

家推讚為主歸魏拜河南郡太守其後秦雍人來奔河南

滎陽河內者戶至萬數拜讚南雍州刺史於洛陽立雍之

郡縣以撫之由是流人襁負自遠而至參倍於前進爵河

南公加安南將軍領南蠻校尉仍刺史分洛豫二州之僑

郡以益之在州十七年甚收公私之譽卒諡曰宣穆長子

元寶豫州別駕子祖徐州刺史子靈孫赭陽太守元寶弟

虎皮有才器本縣令弟臻字仙勝居喪以孝稱除宏農太

守子祖訓順陽太守

高允魏書渤海人顯祖不豫以定議勳進爵咸陽公卒子

忱襲後例降為侯

長孫肥魏書代人以功賜爵瑯琊公後降為藍田侯天賜

五年卒諡曰武子翰襲爵

杜元寶魏書文成帝紀興安二年正月辛巳司空杜元寶

進爵京兆王歷代紀事年表廣平王遺子以謀反誅

拓拔推魏書文成帝紀太安五年四月封皇帝弟子推為

京兆王本傳子太興襲以贖貨削除官爵

拓拔禧魏書孝文帝紀太和九年三月封皇弟禧為咸陽

王本傳世宗覽政禧與李伯尚謀反賜死絕其諸子屬籍

拓拔勰魏書孝文帝紀太和九年封食邑二千戶改封彭

城王

拓拔愉魏書孝文帝紀太和二十一年八月壬戌立皇子

愉為京兆王本傳以貪縱不法謀逆見執而死

獨孤伏隨周書獨孤信傳雲中人以父善勳封魏寧縣公

廢帝元年又以父勳進爵長安郡公

獨孤隨周書獨孤信傳隨以信勳封建忠縣伯邑五百戶

韋閔魏書字友觀杜陵人世為冠族祖楷晉長樂清河二

郡太守父達慕容垂大長秋閔少有重望世祖徵拜咸陽

太守轉武都太守屬郝溫吳愛反關中擾亂閔盡心撫納

所部獨全子範歷守華山郡閔兄子禎喜馮翊太子子社

太府少卿社子義遠岐州刺史社弟禎有識幹給事黃門

侍郎子文殊員外散騎侍郎閔從叔道福安遠將軍子欣

宗徐州長史帶彭城內史撫綏內外甚得民和轉大中大

夫爵杜縣侯卒諡曰簡子元叡頴川長史欣宗從父弟合

宗東海太守

韋珍魏書韋閔傳閔族弟杜陵人父尚安西府從事珍少

有志操高祖初蠻首桓誕歸欵令珍與誕招慰蠻左自懸

瓠西入三百餘里至桐柏山窮淮源宣揚恩澤招降七萬

餘戶置郡縣而還除左將軍樂陵鎮將賜爵霸城子蕭道

成民謝天蓋自署司州刺史欲以州內附為道成將崔慧

景攻圍詔珍渡推援接珍破慧景擁降民七千餘戶內徙表置城陽剛凌義陽三郡以處之詔珍移鎮北陽蕭頤遣陳顯達率衆來寇珍憑城據戰殺傷甚衆相持旬有二日夜開城門掩擊之賊遂奔潰以功進爵爲侯後車駕征樊郢既平以珍試守魯陽郡及高祖崩除中散大夫尋加鎮遠將軍大尉諮議參軍永平元年卒諡曰懿子纘字遵彥聰敏明辨爲博士李彪所稱高祖每與名德沙門談論往復纘掌綴錄無所遺漏壽春內附王肅出鎮揚州請纘爲長史帶梁郡太守永平三年卒肅字尊顯少有志業年十八辟州主簿遷秘書郎中稍遷左軍將軍南郢州刺史田夷啟稱肅父珍往任荊州恩洽夷夏乞肅充南道別將領

西漢府志卷三十一

七

荊州驍勇共爲腹背詔從之未幾行南荊州事肅宗末除東徐州刺史尋遷東安將軍加散騎常侍蕭衍遣其潁州刺史田麤喜來寇肅於石羊岡斬破之永安三年卒諡曰宣子鴻中書舍人弟道植中兵參軍

韋孝寬周書京兆杜陵人永安中賜爵山北縣男大統五年進爵爲侯移鎮玉壁拒破齊神武進爵建忠郡公北史韋叔裕傳字孝寬少以字行祖直善魏馮翊扶風二郡守父旭雍州大中正永安二年拜南幽州刺史時氏賊數抄竊旭隨機勦撫並卽歸附尋卒官諡文惠孝寬沉敏和正涉獵經史弱冠屬蕭寶夤作亂乃詣闕請爲前趨卽拜統軍隨長孫承業西征每戰有功孝武初周文帝命隨軍及

克潼關下豫州今孝寬行宜陽郡事是歲東魏將段琛復據宜陽其將牛道孝寬訪其手迹僞作書諭歸欵意令謀人送琛營琛得書果疑道恒因出奇兵擒道恒及琛等嶠澠遂清大統八年轉晉州刺史移鎮玉壁十二年齊神武傾衆西入以玉壁衝要攻之神武盡攻擊之術孝寬咸拒破之神武苦戰六旬智力俱困發疾遁去廢帝二年爲雍州刺史恭帝三年還鎮玉壁孝寬善於撫御所遣間謀入齊者皆爲盡力亦有齊人遙通書疏故動靜皆先知天和五年進爵鄖國公後武帝志在平齊孝寬上疏陳三策書奏帝遂大舉再駕而定山東卒如孝寬之策大象九年除行軍元帥狗地淮南以平淮南功別封一子滑國公宣帝

西漢府志卷二十九

七

崩隋文帝輔政尉遲迥爲相州總管詔孝寬代之孝寬進至朝歌疑有變乃稱疾徐行詔發關中兵以孝寬爲元帥東伐軍次武陟大破迥子惇軍次於鄴迥自出戰又破之迥窮迫自殺關東悉平薨贈太傅雍州牧諡曰襄孝寬在邊屢抗強敵所有經略布置之初人皆莫解見其成事方乃驚服篤意文史每自披閱末年患眼猶令學者讀而聽之又早亡父母事兄嫂甚謹親族孤遺者必加賑贍朝野稱焉

韋元恢魏書韋閔傳杜陵人有氣幹孝昌初值刺史元法僧外叛元恢招聚同志潛規克復事泄爲法僧所害崔延伯魏書博陵人正光五年以在揚州建淮橋之勳封

當利縣男尋改爵封新豐進爵爲子卒諡武烈

拓拔繼魏書明帝紀京兆王黎後神龜元年四月甲辰江陽王繼改封京兆王京兆王黎傳神龜末繼啟求還復江陽詔從之

拓拔坦魏書咸陽王禧子正光中復禧王爵詔坦襲改封敷城邑八百戶莊帝初復適本封莊帝紀建義元年復爵爲咸陽王本傳齊受禪爵例降

拓拔正魏書彭城王總傳肅宗初封霸城縣公邑一千戶莊帝卽位封始平王與兄劬俱遇害諡曰貞子欽襲齊受禪爵例降

寇洛周書上谷昌平人大統初進爵京兆郡公五年卒諡

曰武子和嗣

西齊府志卷二十九

六

王洛兒北史京兆人明元在東宮給事帳下性謹愿未嘗有過明元嘗獵於澤南乘冰而濟冰陷沒馬洛兒投水奉帝出殆將凍死帝解衣賜之恩寵日隆天賜未帝避難居外洛兒晨夜侍衛恭勤發於至誠元紹之逆帝晝居山嶺夜還洛兒家洛兒冒難往返京都通問大臣大臣遂出奉迎明元還宮社稷獲全太宗卽位拜散騎常侍賜爵新息公卒贈太尉子長城襲爵

馮熙魏書長樂信都人文明太后兄爵昌黎王以例降封京兆郡公

杜銓魏書京兆人世祖名見以爲宗正命營密太后父豹

喪賜爵新豐侯

杜長文魏書杜銓傳京兆人以隨叔顓守岐州勳賜爵始平伯

李賢周書隴西城紀人孝武西遷以精騎殿封下邳縣公邑一千戶

尒朱天光魏書榮從祖兄子建義初封長安縣開國公食邑一千戶

乙弗郎北史家上樂孝武西入先驅靖路封長安縣公子鳳與周閔帝誅宇文護見殺

高敖曹魏書高祐傳渤海人天平中京兆郡開國公王弼周書王盟傳子勵沙苑之役用短兵接戰卒於行間

西齊府志卷二十九

九

追封咸陽郡公子弼襲爵

席固周書安定人大統十六年以地來附封新豐縣公邑二千戶

李佐魏書狄道人車駕征宛鄧蕭鸞新野太守劉忌憚城固守佐攻拔之以功封涇陽縣開國子邑三百戶景明二年卒諡曰莊子遵襲卒子果襲武定中坐通西賊伏誅

李權唐書宰相世系表後魏杜縣公

鄭演魏書劉芳傳滎陽人顯祖初內附入朝以功除洛陽侯後改爵雲陽伯卒諡曰懿子長猷襲爵卒永平五年諡

曰貞侯子廓襲卒子元休襲齊受禪爵例降

穆敦魏書穆崇傳代人爵富平子子純襲卒子盛襲

穆覲魏書穆崇傳代人崇後從世祖征赫達昌賜爵泥陽子

韋瑱周書字世珍杜陵人曾祖度惠魏中書侍郎祖千雄略陽郡守父英代郡守瑱幼聰敏起家雍州治中遷郢州刺史入爲行臺左丞從復宏農戰沙苑加左光祿大夫又從戰河橋進爵爲子大統八年齊神武侵汾絳瑱從太祖禦之軍還除蒲州總管府長史頃之以望族領鄉兵進車騎大將軍瑱雅性清儉兼有武略公私安靜夷夏懷之授侍中驃騎大將軍開府儀同三司卒諡曰惠子峻位至車騎大將軍儀同三司峻弟師蒲州總管府中郎行河東郡事

西梁府志卷三十九

三

韋崇魏書韋閻傳閻從子宇洪基父肅字道壽劉義興鎮關中辟主簿歷魏興太守崇以司徒從事中郎高祖納其女爲充華嬪除南潁川太守不好發摘細事常云何用小察以傷大道遷洛以崇爲司州中正復爲河南邑中正以平直見稱出爲鄉郡太守又除華山太守卒

韋或魏書韋閻傳字遵度珍子杜陵人有學識爲東豫州刺史綏懷蠻左頗得其心蠻首田益宗子魯生魯賢數爲寇掠自或至州咸賤啟修敬不復爲害或以蠻俗荒梗不識禮義乃表立太學選諸郡生徒於州總教又於城北置崇武館以習武焉境內清肅還遇大將軍京兆王繼西征請爲長史拜通直散騎常侍尋以本官兼尚書爲幽夏行

臺以功封陰盤縣男孝昌元年卒贈雍州刺史諡曰文子彪藍田太守彪弟融以軍功賜爵長安伯稍遷大司馬開府司馬天平中疑殺其妻懼不免自害

韋儁北史韋閻傳字頴超範子京兆杜陵人早有學識少孤事祖母以至孝聞性溫和廉讓太和中襲爵歷位都水使者子子榮字暉茂齊王蕭寶夤引爲主簿轉參軍寶夤反子榮與弟子爽執志不從相率逃免雍州平賜爵長安子子榮兄弟十三人並有孝行居父喪毀瘠過禮負土成墳弟榮亮字子昱博學有文才德行仁孝爲時所重歷諫議大夫衛大將軍子綱字世紀有操行才學開皇中位趙州刺史有子文宗文英並知名

西梁府志卷三十九

三

韋休之北史韋閻傳崇子杜陵人貞和自守未嘗言行忤物歷位給事中安西將軍光祿大夫子道遠中山大守道建東閭祭酒

寇儁周書字祖儁讚孫萬年人孝昌中朝議以國用不足乃置鹽池都將秩比上郡以儁爲之永安初華州民史底與司徒楊椿訟田長史以下皆言椿直儁曰史底窮民楊公橫奪其田若欲損不足以給有餘未敢聞命遂以地還史底二年出爲左將軍梁州刺史民俗荒蕪多爲盜賊儁乃令郡縣立庠序勸耕桑敦禮讓數年之中風俗頓革屬魏室多故梁人遣大兵屯魏興志圖進取儁撫勵將士人思效命梁人弗敢逼儁在州清苦不治產業秩滿徒步而

遠大統二年東魏授儁洛州刺史儁謀歸闕五年入關拜秘書監時典墳散逸儁選置令史抄集經史羣書始備進開府儀同三司卒諡曰元子奉洵州刺史奉弟顒少好學最知名居喪哀毀爲典祀下大夫小納言

寇治魏書寇讚傳字祖禮祖訓弟萬年人自洛陽令稍遷鎮遠將軍東荊州刺史兄弟並孝友敦睦白首同居父亡雖久而猶於生平所處堂宇備設幃帳几杖以時節開堂列拜垂淚陳薦若宗廟然吉凶之事必先啟告遠出行反亦如之世宗末遷前將軍河州刺史時蠻反於三鴟治爲都督追討戰沒贈雍州刺史昌平男

寇彌魏書寇讚傳萬年人尚書郎爲陽城王微所親愛永

西府志卷二十九

三

安未微避亦朱兆脫身南臺歸命於彌彌不納遣人加害時論薄之

長孫子彥魏書長孫道生傳本名儁以素從父征討功封

槐里縣子

薛孝通北史河東汾陰人莊帝崩孝通定冊節閔帝首創

大議封藍田縣子

冀儁周書太原陽邑人大統初封長安縣男邑二百戶從

太祖復宏農戰沙苑進爵爲子

柳檜周書河東解人大統八年拜湟河郡守吐谷渾入寇

檜擊破之以功封萬年縣子邑三百戶子斌嗣

樓安文魏書樓伏連傳代人從征平涼有功賜爵霸城男

卒諡定

朱騰魏書朱瑞傳代郡桑乾人建義初封涇陽縣開國男食邑二百戶普泰元年與兄瑞同爲亦朱世隆所害

北齊

孫騰北齊書字龍雀石安人少而質直明解吏事魏正光中北方擾亂開關危險得達秀容屬亦朱榮建義隨榮入洛尋爲高祖都督府長史高祖爲晉州騰爲長史高祖平鄴授騰相州刺史天平初入爲尚書左僕射內外之事騰咸知之時西魏遣將寇南兗詔騰爲南道行臺率諸將討之騰厄怯無威略失利而還又除司徒武定中使於青州括浮逃戶口遷太保騰早依附高祖契濶險危勤力恭謹

西府志卷二十九

三

深見待信及高祖置之魏朝寄以心腹遂志氣驕盈與奪由己求納財賄不知紀極在鄴與高岳高隆之司馬子如號爲四貴非法專恣騰爲甚焉武定六年薨

嚴觀按賈志於封爵卷內載北齊十有四人攷文獻通

考云高氏據河北其封藩雖多秦地名號而實無關中

境土今併從刪

北周

王悅周書字衆喜藍田人少有氣幹太祖初定關隴悅募鄉里從軍屢有戰功大統元年除平東將軍封藍田縣伯四年東魏將侯景攻圍洛陽悅又率鄉里千餘人從軍斬獲居多十四年授雍州大中正加衛將軍從大將軍楊忠

征隨郡安陸並平之時懸軍深入悅度路程減節糧食至諸軍匱乏分給之太祖聞而嘉焉尋拜京兆郡守遷大行臺尚書又領所部兵從達奚武征梁漢武令悅說其城主楊賢悅貽之書賢遂降悅說武率輕騎七百徑趣白馬其將梁深以城降梁州平即以悅行刺史事孝閔踐祚拜使持節驃騎大將軍開府儀同三司大都督進爵北縣公悅性儉約不營生業雖出入顯榮家徒四壁而已世宗手勅勞勉之保定元年卒於位子康嗣

陳忻周書宜陽人大統元年賜爵霸城縣男三年進爵為子九年增邑六百戶孝閔帝踐祚進為伯

嚴觀按隋書地理志後魏霸城縣後周廢以陳忻傳考

西夏府志卷二十九

語

之則閔帝初即位時應尚存焉

子實北史子謹傳字賓實謹子京兆人少和厚以軍功封萬年縣子累遷尚書除渭州刺史恭帝二年羌東念姐反大將軍豆盧寧討之踰時不克又令實往遂破之孝閔踐祚授戶部中大夫天和二年延州蒲州賊郝三郎反遣實討平之除延州刺史進涼州總管開皇元年薨諡曰安

闔慶周書河南河陰人孝閔帝踐祚進爵石保縣公增邑千戶進爵大安縣公

嚴觀按魏書地形志中部領石保縣今同官境

韋世康周書韋孝寬傳京兆杜陵人孝寬兄復之子也幼沈敏有器度年十歲州辟主簿尚周文帝女襄樂公主從

武帝平齊授司州總管長史時東夏初定百姓未安世康綏撫之入為司會中大夫尉遲迴之亂隋文帝謂世康曰汾絳舊是周齊分界恐生搖動今以委公授絳州刺史闔境清肅世康性恬素好古不以為喪干懷在州有止足之志轉吏部尚書選用平允請托不行以母憂去職開皇十三年復拜吏部尚書前後多所進拔稱為廉平嘗因侍宴乞骸骨上曰冀與公共理天下今之所請深乖本望於是出拜荊州總管為政簡靜百姓愛悅卒於州諡曰文北史韋孝寬子諶年十歲魏文帝欲以女妻之寬辭以兄子世康年長遂以妻之

韋總北史韋孝寬傳字善會孝寬子杜陵人聰敏好學位

西夏府志卷二十九

語

京兆尹帝嘗戲總曰卿師尹帝鄉故當不以富貴威福鄉里耶總正色對曰陛下擢臣非分竊謂已鑿愚誠今奉嚴旨便似未照丹赤豈可久忝此職用疑聖慮請解印綬以避賢能帝笑曰前言戲之耳五年從武帝東征每率麾下先驅陷敵於并州戰歿贈上大將軍追封河南郡公諡曰貞

王子直周書字孝正杜陵人父琳東雍州長史子直性節儉有幹能起家奉朝請除太尉府水曹參軍梁人圍壽春臨淮王元或率軍赴援子直以本官參或軍事與梁人戰斬其軍主夏侯景超梁人乃退永安初拜鴻臚少卿魏孝武西遷封山北縣男大統初漢熾屠各阻兵於南山太祖

令子直率步騎討破之除尚書左外兵郎中進車騎將軍
四年從太祖解洛陽圍經河橋戰兼尚書左丞出爲秦州
總管府司馬時涼州刺史宇文仲和據州逆命子直從隴
右大都督獨孤信討平之吐谷渾寇西平以子直兼尚書
兵部郎中出隴右經略之大破渾衆於長寧川進車騎將
軍左光祿大夫轉并州長史魏廢帝元年拜使持節大都
督行瓜州事于直性清靜務以德政化民西土悅附魏恭
帝初拜黃門郎卒於位子宣禮以父官杜國府參軍

楊瓚北史隋宗室諸王傳字恒生仕周以武元軍功封竟
陵郡公尚周武帝妹順陽公主美姿容好書愛士甚有時
譽號楊三郎平齊之役諸王咸從留瓚居守文帝作相瓚

西夏府志卷二十九

美

恐爲家禍陰有圖帝計及受禪立爲滕王拜雍州牧後坐
事以王就第瓚妃宇文氏素與獨孤皇后不平至是鬱鬱
不得志陰有呪詛帝命出之瓚不忍離絕固請帝不得已
從之宇文氏竟除屬籍由是恩禮更薄開皇十一年暴薨
實熾周書字光成平陵人父略平遠將軍熾性嚴明有謀
略膂力過人永安元年亦朱榮破葛榮榮別帥韓婁據薊
城不下以熾爲都督討之熾手斬婁以功拜揚烈將軍魏
孝武卽位梁主遣元樹入寇攻陷譙城熾率奇兵破之進
爵上洛縣伯時帝與齊神武構隙以熾有威重拜關內大
都督從帝西遷與高金龍戰千秋門敗之大統元年以從
駕功別封眞定縣公從擒竇泰復宏農破沙苑皆有功又

從李弼討白額稽胡破之高仲密來附率兵從太祖援之
東魏據邙山大破之追至石濟而還遷車騎大將軍十三
年進使持節驃騎大將軍開府儀同三司涇州刺史魏恭
帝元年茹茹寇廣武熾率兵分討度河至麴使川追及與
戰大破之保定元年進封鄧國公宣政元年兼雍州牧隋
文帝初爲相國百官皆勸進熾自以累代受恩不肯署牋
時人高其節開皇四年薨諡曰恭子茂嗣

實毅周書實熾傳字天武平陵人熾兄子深沉有器度魏
孝武初起家爲員外散騎侍郎時齊神武擅朝慨然有殉
主之志孝武西遷遂從入關擒竇泰復宏農戰沙苑皆有
功累授驃騎大將軍開府儀同三司保定三年拜大將軍

西夏府志卷二十九

美

太祖時突厥許納女於我齊人亦重幣求婚狄欲有悔朝
廷以毅地兼助戚素有威重乃命爲使及至齊使亦在突
厥猶有貳志毅抗言正色以大義責之累旬乃定朝議嘉
之隋開皇初拜定州總管累居藩鎮咸得民和薨於州諡
曰肅毅溫雅謹慎尚太祖第五女襄陽公主特爲朝廷所
委信雖任兼出入未嘗有矜惰之容時人以此稱之子賢
字託賢志業通敏少知名

毛遐北史字鴻遠三原人曾祖天愛定州刺史始昌子傳
至遐四世不絕正光中蕭寶夤討關中諸賊以遐爲府長
史寶夤敗還長安三輔騷擾遐因辭還北地與弟鴻賓聚
鄉曲豪傑東西略地氏羌多赴之共推鴻賓爲盟主旣而

賊帥宿勤買奴自號京兆王遐與鴻賓縱兵追擊七柵皆平後寶貨構逆謀遐知之乃寄書與鴻賓索馬迎接復於馬祇柵建旗鼓以拒寶貨攻其將盧祖遷禽之詔授遐南幽州刺史又攻破其將侯終德寶貨知內外勢異輕騎走巴中孝武帝入關稍遷驃騎大將軍儀同三司卒弟鴻賓狀貌頗異昆季之中尤輕財好施及賊起常與遐一守一戰後拜岐州刺史明帝以鴻賓兄弟所定處多乃改北地郡爲北雍州三原縣爲建忠郡以旌其兄弟後亦朱天光自關中還洛鴻賓領鄉中壯武二千人以從拜西兗州刺史羈寓倦遊之輩四座常滿鴻賓資給衣食與己悉同轉南青州刺史未幾徵還孝武帝與齊神武有隙令鴻賓鎮

西吳府志卷二十九

无

潼關車駕西幸漿糗乏絕鴻賓奉獻酒食迎於稠桑武帝把其手曰寒松勁草所望於卿仍畱守潼關後神武來寇見禽至并州憂恚卒弟鴻顯位散騎常侍遐乳母所產也遐養之爲弟因姓毛氏勁悍多力後隨諸兄戰鬪多先鋒陷陣四年爲廣州刺史鎮東陽陷東魏卒

梁昕周書字元明烏氏人其先因官徙居京兆之藍屋祖重耳漳縣令父勸儒州主簿昕少温恭見稱州里周文帝軍次雍州昕以三輔望族上謁卽授右府長流參軍累遷丞相府主簿大統十二年除河南郡守遷東荆州刺史昕撫以仁惠蠻夷悅之孝閔踐祚進位驃騎大將軍天和初拜工部中大夫出爲陝州總管府長史昕性温裕有幹能

歷官內外咸著聲稱尋卒贈大將軍諡曰貞弟榮歷位下大夫開府儀同三司

陸通周書字仲明吳郡人曾祖載從宋武帝平關中遂家長安通好學有志節文帝引爲帳內督賀拔岳爲侯莫陳悅所害時有傳軍府已亡散者文帝憂之通以爲不然問至果如所策自是愈見親禮從擒寶泰復宏農沙苑之役力戰有功又從解洛陽圍軍還趙青雀反於長安文帝將討之以人馬疲弊不可速行通進曰青雀等詐言大軍敗績東寇將至今兵雖疲弊精銳猶多以明公之威率思歸之衆何慮不平文帝深納之因平青雀功進爵爲公九年高仲密以地來附通從若干惠戰於芒山授驃騎大將軍

西吳府志卷二十九

无

遷大司寇通性柔謹清慎建德元年轉大司馬薨弟逞起家羽林監累遷驃騎大將軍開府儀同三司幹識詳明所在著績進爵爲公天和三年齊遣斛斯文略來聘詔逞爲使報之逞善辭令敏而有禮齊人稱焉爲宜州刺史有惠政東宮初建授太子太保卒子操嗣

陸政周書陸通傳性至孝其母吳人好食魚北土魚少政求之常苦難後宅側忽有泉出而有魚遂得供膳時人以爲孝感所致因謂其泉爲孝魚泉

宇文賢周書文閔明武宣諸子傳明帝子保定四年封畢國公建德三年進爵爲王大象二年賢慮隋文帝傾覆宗社言語泄漏尋爲所害

宇文貞周書文閔明武宣諸子傳明帝子初封蜀國公建德三年進爵爲王後爲文帝所害并其子德文國除

王罷北史字熊罷京兆人除殿中將軍稍遷雍州別駕後以軍功封定陽子除荊州刺史梁使曹義宗圍荊州堰水灌城不沒者數板城中糧盡罷乃煮粥與將士均令食之出戰不擐甲冑三年義宗方退進封霸城縣公莊帝時南秦數叛以罷行南秦州事擊捕反者孝武西遷進車騎大將軍除華州刺史嘗修州城未畢梯在城外神武遣韓軌司馬子如從河東宵濟襲罷比曉乘梯入城罷尚臥未起聞閤外洶洶便袒身露髻徒跣持一白棒大呼而出戰破之軌遁走沙苑之役神武至城下不敢攻河橋之戰王師

百三府志卷二十九

三

不利罷名城戰士固守軍士皆無異心徵拜雍州刺史未幾鎮河東卒於官諡曰忠子慶遠爲直閣大將軍

杜杲周書字子暉杜陵人祖建魏輔國將軍父岐武都郡守杲有當世幹略起家奉朝請累遷修城郡守屬鳳州人仇周貢等搆亂攻逼修城杲信洽於民部內無畔者尋開府趙昶諸軍進討杲率郡兵與昶合勢遂破平之入爲司會上士初陳文帝弟頊爲質於梁及江陵平遷長安陳人請之太祖許而未遣至是欲歸之命杲使爲陳文帝悅卽遣使報聘並賂黔中數州地以杲奉使稱旨進都督更往分界陳人於是以魯山歸我帝乃拜頊柱國大將軍詔杲送之還國杲還朝廷嘉之授大都督治小納言復聘於陳

大象二年加開府儀同大將軍進爵爲侯隋開皇二年除西南行臺兵部尚書尋卒子運大象末宣納上士達奚恭周書達奚武子渭南縣子大象末與王謙據蜀起兵尋敗被誅

百三府志卷二十九

三

西安府志卷第三十

人物志

隋

董純隋書隴西成紀人周武帝時爵大興縣侯高祖受禪追爵漢曲縣公

嚴觀按隋地理志大興縣屬京兆郡即今咸寧也

于義隋書字慈恭雒陽人父謹從魏武帝入關因家京兆義少矜嚴有操尚篤志好學大統末以父功賜爵平昌縣伯周閔帝受禪累遷安武太守專崇德惠不尚威刑有郡民張善安王叔兒爭財相訟義曰太守德薄非其罪也取家財倍與兩人喻而遣去善安等各懷愧移貫他州於是

西府志卷三十一

風教大洽進封建平郡公及高祖作相王謙構逆以義為行軍總管謙將達奚恭擁衆據開遠義將左軍擊破之尋拜潼州總管歲餘以疾歸京師卒謚曰剛

王長述隋書霸城人早孤為祖羸所養襲封扶風郡公除中書舍人周受禪出拜廣州刺史甚有威惠吏人懷之後歷襄仁二州總管並有能名及高祖為丞相授信州總管部內夷獠未賓長述討平之王謙作亂授行軍總管率衆討謙以功進柱國開皇初復上平陳之計上善其能卒謚曰莊

韋師隋書字公穎杜陵人少沉謹有至性丁父母憂居喪盡禮及長涉經史尤工騎射宇文護引為記室轉兵曹參

軍師雅知諸蕃風俗及山川險易其有朝貢師必接對論其國俗如指諸掌夷人驚服無敢隱情高祖受禪遷河北道行臺詔為山東河南十八州安撫大使平陳之役以本官領元帥掾陳國府藏悉委於師秋毫無所犯後除汴州刺史甚有治名卒謚曰定

西府志卷三十一

史萬歲隋書杜陵人父靜周滄州刺史萬歲少英武善騎射好讀兵書平齊之役其父戰沒萬歲襲爵太平縣公尉迴亂萬歲從梁士彥擊之每戰先登以功拜上大將軍平陳之役又以功加上開府及高智慧等作亂江南萬歲率衆二千踰嶺越海攻陷溪洞前後七百餘戰轉鬪千餘里還拜左領軍將軍南寧夷蠻靺復叛萬歲皆擊破之度西二河入渠濫川破其三十餘部虜獲男女二萬餘口諸夷大懼遣使請降以功進位柱國開皇末突厥頭達可汗犯塞漢王諒與萬歲出馬邑道頭達聞之懼引去萬歲馳逐百餘里乃及大破之楊素害其功會窮東宮黨與上問萬歲所在楊素見上方怒因曰萬歲諷東宮矣上大怒命左右搆殺之萬歲為將不治營伍令士卒各隨所安無警夜之備虜亦不敢犯臨陣對敵應變無方號為良將

劉方隋書長安人性剛決有膽氣仕周以戰功拜上儀同高祖為丞相方從韋孝寬破尉迴於相州開皇三年從衛王爽破突厥於白道進位大將軍仁孝中交州人李佛子作亂上詔方為行軍總管進兵臨佛子佛子降尋授驩州

道行軍總管經畧林邑軍至海口林邑王梵志遣兵守險方擊走之師次閩黎江賊據南岸乘象四面而至方以弩射象因攻破之俘馘萬計進至大綠江賊據險爲柵又擊破之至其國都林邑王梵志棄城奔海刻石紀功而還方在道遇患卒贈上柱國盧國公子通仁嗣

韋藝隋書韋世康傳字世文洗弟杜陵人周文帝時以軍功致位上儀同高祖爲丞相擊尉迥破尉悌皆有功焉高祖受禪拜齊州刺史爲政清簡遷營州總管藝容貌瓌瑋每夷狄參謁必整儀衛盛服以見之番人畏懼大治產業與北夷貿易家資鉅萬開皇十五年卒謚曰懷弟冲字世冲少以名家子釋褐衛公府禮曹參軍稽胡屢爲寇亂冲

自請安戢之因拜汾州刺史高祖踐祚進位開府歲餘發

南汾州胡千餘人北築長城在塗皆亡因命冲綏懷叛者月餘皆至並赴長城尋拜石州刺史甚得諸胡歡心以母憂去職起爲南寧州總管渠帥爨震及西爨首領皆詣府參謁後檢校括州事時東陽賊帥陶子定吳州賊帥羅慧方聚衆爲亂冲破之尋拜營州總管寬厚得衆心拜民部尙書卒少子挺最知名

于璽隋書于仲文傳字伯符翼子京兆人少有器幹仕周起家右侍上士高祖受禪拜汴州刺史甚有能名尋轉郢州刺史在州數年甚有恩惠後檢校江陵總管州人張願等數十人詣闕上表請留璽上嘉歎令還郢州尋遷洛州

刺史復爲熊州刺史並有惠政以疾還京師卒謚曰靜

李圓通隋書涇陽人給使高祖家初高祖恆令圓通監厨圓通性嚴整婢僕咸所敬憚高作相委以心膂周氏諸王每伺高祖隙圖爲不利賴圓通保護獲免者數矣高祖受禪深被信任伐陳之役以功拜揚州總管長史轉并州總管長史秦孝王仁柔少斷决府中事多决於圓通煬帝嗣位拜兵部尙書帝幸揚州以圓通留守京師判宇文述田以還民述訴其受賂帝怒而徵之發疾卒子孝常大業末爲華陰令

宇文忻隋書字仲樂本朔方人徙京兆幼而敏慧年十二能左右馳射驍捷若飛高祖龍潛時與忻情好甚協及爲

左相恩顧彌隆尉迥作亂以忻爲行軍總管進臨相州斬獲畧盡直趣鄴下迥軍大敗及平鄴城以功加上柱國是後每參帷幄出入臥內禪代之際忻有力焉忻既佐命功臣頻經將領有威名於當世上由是微忌焉以譴去官陰圖不執謀洩伏誅

竇榮定北史竇熾傳熾子沉深有器局周文帝見而奇之授平東將軍從戰北芒以功拜上儀同從平齊加上開府拜前將軍其妻則隋文帝長姊安成長公主也榮定知帝有人君之表尤相推結及受禪坐事除名公主曰天子姊乃作田舍兒妻尋拜右武侯大將軍上數幸其第恩錫甚厚突厥寇邊爲行軍元帥數挫其鋒突厥請盟而去進爵

安豐郡公歲餘拜右武衛大將軍帝欲以爲三公榮定上書固辭乃止卒贈陳國公謚曰懿

韋壽隋書字世齡父孝寬周上柱國鄖國公壽以貴公子早有令譽周武帝親征高氏拜京兆尹委以後事以父軍功拜儀同三司封滑國公俄以父喪去職高祖受禪起令視事尋遷恆毛二州刺史有治名開皇十年卒謚曰定仁壽中高祖爲晉王廣納其女爲妃以其子保巒嗣

韋焜隋書高構傳京兆人爲民曹屢進讜言

杜整隋書字皇育杜陵人祖盛魏直閣將軍潁川太守父關渭州刺史整少有風槩九歲丁父憂哀毀骨立事母以孝聞及長驍勇有膂力好讀孫吳兵法魏大統末襲爵武

西梁書卷三十一

三

鄉侯高祖受禪加上開府進封長廣郡公開皇六年突厥犯塞以整爲行軍總管至合川無虞而還密進取陳之策上善之於是行軍總管鎮襄陽病卒謚曰襄子楷嗣官至開府整弟肅少有志行開皇初爲通直散騎常侍北地太守

王韶隋書字子相世居京兆幼方雅好奇節在周累以軍功至儀同三司高祖受禪進爵頊城郡公晉王廣鎮并州除行臺右僕射性剛直王甚憚之王穿池起三山韶自鎖而諫王謝而罷之平陳之役支度軍機無所擁滯及尅金陵韶卽鎮焉秦王俊爲并州總管仍爲長史歲餘馳驛入京勞敝而卒高祖命取子相封事數十紙傳示羣臣曰直

言匡正裨益甚多吾每披尋未嘗釋手子士隆慷慨有父風官至備身將軍討擊山賊往往有捷王世充僭號士隆憂憤疽發背卒

趙世模隋書趙元淑傳初事高寶寧後以衆歸周授上開府寓居京兆之雲陽高祖踐祚恆典宿衛迨同晉王伐陳先鋒遇賊力戰而死朝廷以身死王事令子元淑襲本官韋洗北史韋世康傳字世穆世康兄杜陵人性剛毅有氣幹少便弓馬隋文帝爲丞相從季父孝寬擊尉遲迥於相州以功拜柱國進襄陽郡公時突厥寇邊令洗統兵出原州擊破之拜江陵總管陳平拜江州總管畧定九江遂圖嶺南洗至廣州嶺表皆降上悅許以便宜從事拜廣州總

西梁書卷三十一

六

管歲餘番禺夷王仲宣反以兵圍洗洗拒之中流矢卒贈上柱國謚曰敬子協字欽仁好學有雅量位秘書郎其父在廣州上命協齎詔勞問未至而父卒上以其父死王事拜柱國歷定息秦三州刺史有能名

韋福獎北史韋世康傳世康少子杜陵人通事舍人在東都與元感戰沒

于宣道隋書于義傳字元明義子京兆高陵人素性謹密以父功賜爵安成縣男高祖爲丞相引爲外兵曹尋拜儀同及踐祚遷內史舍人進爵爲子丁父憂水漿不入口者累日歲餘起令視事免喪後六歲遷太子左衛副率進位上儀同卒年四十二

陶模隋書京兆人性明敏有器幹仁壽初爲嵐州司馬諒
既作亂刺史喬鍾葵發兵將赴逆橫拒之曰漢王所圖不
軌公荷國厚恩致位方伯謂當竭誠效命以答慈造豈有
大行皇帝梓宮未掩翻爲厲階鍾葵失色曰司馬反邪臨
之以兵詞氣不撓鍾葵義而釋之軍吏進曰若不斬模何
以歷衆心於是囚之於獄及諒平煬帝嘉之拜開府授大
興令楊元感反率兵從衛元擊之以功進位銀青光祿大
夫卒官

張定和隋書字處謚萬年人少貧賤有志節初爲侍官從
上柱國李克擊突厥先登陷陣虜刺之中頸定和以草塞
瘡而戰神氣自若虜敗走上聞而壯之進位柱國封武安

西漢書卷三十一

七

縣侯煬帝嗣位拜宜州刺史尋轉河內太守有惠政歲餘
從帝征吐谷渾定和挺身登山賊伏兵於巖谷之下發矢
中之而斃謚曰壯武子世立嗣拜光祿大夫

張季珣隋書京兆人父祥少爲高祖所知開皇中累遷并
州司馬仁壽末漢王諒舉兵反遣其將劉建畧地燕趙至
井陘祥勒兵拒守建攻之縱火燒其郭下城側有西王母
廟祥登城望之再拜號泣曰百姓何罪致此焚燒神其有
靈可降雨相救須臾驟雨其火遂滅士卒感其至誠莫不
用命月餘援軍至賊退走以功授開府入爲都水監卒官
季珣少慷慨有志節大業末爲鷹揚郎將其府據箕山爲
固與洛口連接及李密陷倉城遣人呼之季珣罵密極口

密怒遣兵攻之連年不克時密衆數十萬季珣四面阻絕
而執志彌固誓以必死經三年糧盡士卒羸病不能拒戰
遂爲所陷季珣坐聽事顏色自若羣賊曳季珣殺之時年
二十八其弟仲琰大業末爲上洛令時義兵起率吏人城
守部下殺之以歸義仲琰弟琮爲千牛左右宇文化及之
亂遇害季珣家素忠烈兄弟俱死國難論者賢之

骨儀隋書長安人性剛鯁開皇初爲侍御史處法平當不
爲勢利所回煬帝嗣位遷尙書右司郎時朝政漸亂濁貨
公行儀勵志守常介然獨立起拜京兆郡丞公方彌著時
刑部尙書衛元兼領京兆內史頗行詭道輒爲儀所執正
元不能傷也義兵至元恐禍及遂稱老病儀與陰世師同

西漢書卷三十一

八

心斗契父子並誅

于仲文隋書義兄子京兆人字次武父實周大左輔仲文
性倜儻有大志爲固安太守聰察明斷累勳授儀同三司
東郡太守尉迥作亂遣將檀讓誘致仲文仲文拒之迥遣
宇文威攻之仲文大破威衆迥復攻仲文自度不支棄妻
子潰圍逃達於京師迥屠其三子一女進位大將軍領河
南道行軍總管軍至東倪鳩與迥將劉子昂等相遇擊破
之軍次蓼隄讓擁衆數萬仲文以羸師挑戰僞北讓軍頗
驕於是遣精兵左右翼擊之大敗讓軍進攻梁郡擊曹州
檀讓以餘衆屯城武仲文精騎襲之拔城武迥將席毗羅
十萬衆屯沛縣其妻子在金鄉仲文詐爲毗羅使者謂金

鄉城主曰檀讓明日到金鄉賞將士仲文簡精兵偽建迴
旗熾遂取金鄉毗羅來薄官軍仲文結陣設伏毗羅軍大
潰河南悉平進位柱國明年拜行軍元帥擊胡斬首千餘
級至護軍川與虜遇可汗見軍容齊肅不戰而退後突厥
犯塞仲文復破之煬帝即位從帝討吐谷渾進位光祿大
夫遼東之役高麗出兵掩襲輜重仲文破之東至薩水宇
文述以兵餒退歸師遂敗績帝大怒繫仲文仲文憂恚發
病卒

魚俱羅隋書下邳人身長八尺膂力絕人從晉王廣平陳
以功拜開府楊素率兵擊突厥路逢俱羅奏與同行及遇
賊俱羅與數騎奔擊瞋目大呼出左入右往返若飛以功

西梁府志卷三十一

九

進位柱國拜豐州總管以交通內臣坐除名未幾越嵩飛
山蠻作亂詔俱羅白衣領將討平之大業九年重征高麗
以俱羅爲碣石道軍將及還江南劉元進作亂詔俱羅將
兵向會稽諸郡逐捕之戰無不捷然賊勢寢盛敗而復聚
朝廷發使案驗大理司直梁敬正奏俱羅師徒敗劔斬東
市

沈光隋書字總持吳興人父君道仕陳陳滅家于長安光
少驍捷善戲馬常慕立功名不拘小節大業中徵天下驍
果之士光預焉同類皆出其下及帝攻遼東以衝梯擊城
竿長十五丈光升其端臨城與賊戰賊競擊而墜適竿有
垂絕光接而復上帝壯之即日拜朝請大夫江都之難潛

構義勇爲帝復仇光身無介冑遂爲所害

唐宗舊唐書唐休璟傳休璟祖始平人隋大業末爲朔方
郡丞梁師都舉兵據城宗抗節不從爲所害
麥仲才通志始興人以父鉄杖戰歿與弟季才並拜諫議
大夫

唐

杜如晦唐書字克明杜陵人祖果有名周隋間如晦少負
大節臨機輒斷隋大業中預吏部選侍郎高孝基異之曰
君當爲棟梁用願保令德高祖平京師秦王引爲府兵曹
參軍從征伐常參帷幄機秘進兼文學館學士王爲皇太
子遷兵部尚書進封蔡國公俄檢校侍中攝吏部尚書進

西梁府志卷三十一

十一

位尚書右僕射仍領選與房元齡共筦朝政引賢者下不
肖久之以疾辭薨年四十六贈開府儀同三司及葬加司
空謚曰成時天下新定如晦長於斷而元齡善謀兩人深
相知故能同心濟謀以佐帝當世語良相必曰房杜云
蕭瑀唐書字時文後梁明帝子以女兄爲隋晉王妃故入
長安愛經術善屬文性鯁急鄙遠浮華拜內史侍郎數言
事忤旨見忌出爲河池郡守高祖入京師繫郡自歸拜民
部尚書秦王領右元帥攻洛陽署瑀府司馬武德元年遷
內史令帝委以樞筦內外百務悉關決瑀自力孜孜抑過
繩違無所憚上每見納用手詔曰得公言社稷所賴朕旣
寶之故賜黃金一函公其勿辭是歲州置七職秦王爲雍

州牧瑀爲州都督詔嘗下中書未卽行帝護其稱瑀曰隋季內史詔敕多違舛百司不知所承今朝廷初基所以安危者係號令比承一詔必覆審使先後不謬始得下此所以稽留也王世充平進尙書右僕射貞觀初房元齡杜如晦新得君瑀不能無少望太宗怒廢於家俄復爲僕射帝問瑀朕欲長保社稷奈何瑀曰三代有天下所以能長久者封建諸侯以爲屏藩秦置守令二世而絕漢分王子弟享國四百年魏晉廢之亡不旋踵此封建之有明效也帝納之始議封建遷御史大夫參預朝政瑀論議明辯然不能容人短意或偏駁不通而向法深罷爲太子少傅復爲太常卿拜河南道巡省大使九年復參預政事帝嘗曰武

西梁府志卷三十一

十一

德季太上皇有廢立議顧朕挾不賞之功於昆弟弗見容瑀於爾時不可以利休死懼社稷臣也因賜詩曰疾風知勁艸板蕩識誠臣又曰守道耿介古無以過然善惡大明或有時而失瑀頓首謝曰旣蒙教又許以忠亮雖死日猶生年也晉王爲皇太子拜太子太保同中書門下三品瑀中狹每燕見輒言房元齡等朋黨以帝有偏信帝積久亦不平詔奪爵下除商州刺史卒遺命斂以單衣無卜日詔陪葬昭陵謚曰肅銳太常少卿

李靖唐書字藥師三原人姿貌魁秀通書史仕隋爲殿內直長牛宏見之曰王佐才也大業末高祖定京師秦王引爲三衛從平王世充以功授開府蕭銑據江陵詔靖安輯

靖陳圖銑十策詔拜靖行軍總管武德四年閱兵夔州時秋濤瀨漲靖曰兵以速爲神今乘水傳壘震霆不及塞耳此必禽也九月叩夷陵銑將文士宏屯清江縱兵擊破之趨江陵薄城而營銑將乃度嶺至桂州酋領馮盎等皆來謁南方悉定授嶺南撫慰大使檢校桂州總管率兵南巡所過延見長老宣布恩意遠近懽服輔公柝據丹陽反召靖入朝受方畧東討靖出不意率黃君漢等輕兵至丹陽公柝懼走擒之丹陽平置東南道行臺以爲行臺兵部尙書太宗踐阼授刑部尙書兼檢校中書令突厥部種離畔帝方圖進取以爲定襄道行軍總管率勁卒三千夜襲定襄破之進封代國公頡利走保鐵山遣使者謝罪請舉國

西梁府志卷三十一

十二

內附以靖爲總管往迎之靖謂副將張公謹曰詔使到虜必自安簡萬騎自白道襲之必得所欲機不可失韓信所以破齊也督兵疾進遇候邏皆俘以從去其牙七里乃覺部衆震潰頡利亡去於是斥地自陰山北至大漠矣遷尙書右僕射會足疾懇乞骸骨授檢校就第頃之吐谷渾寇邊以爲西海道行軍大總管決策深入大戰數十吐谷渾伏允自經死靖更立大寧王慕容順而還改魏國公進開府儀同三司薨年七十九贈司徒謚曰景武弟客師武衛將軍累戰功封丹陽郡公卒年九十贈幽州都督孫令問元宗爲臨淄王時與雅舊及卽位以協贊功遷殿中少監預誅竇懷貞進散騎常侍知尙食事恩待甚渥然未嘗輒